



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**2 Apr 2021**  
**19 Syaban 1442h**

SENARAI AKHBAR	TAJUK
<b>Utusan Malaysia</b>	<ul style="list-style-type: none"> <li>• Rugi RM7j angkara khianat</li> <li>• Kes sangkar ikan pecah tiada unsur jenayah – Polis</li> <li>• 52 nelayan Vietnam, 8 bot baharu mendarat di jeti haram ditahan</li> <li>• Tiga bot nelayan Vietnam dilupuskan di perairan Gong Balai (online)</li> </ul>
<b>Berita Harian</b>	<ul style="list-style-type: none"> <li>• 12.8 juta benih ikan, udang dilepaskan (online)</li> </ul>
<b>Harian Metro</b>	<ul style="list-style-type: none"> <li>• 3 bot nelayan Vietnam jadi tukun</li> </ul>
<b>Kosmo !</b>	<ul style="list-style-type: none"> <li>• 52 nelayan Vietnam miliki dokumen mencurigakan ditahan</li> <li>• APMM tenggelam tiga bot nelayan Vietnam (online)</li> </ul>
<b>Sinar Harian</b>	<ul style="list-style-type: none"> <li>• 102 bot asing jadi tukun tiruan</li> </ul>
<b>The Star</b>	
<b>New Straits Time</b>	
<b>Nanyang Siang Pau</b>	
<b>Malaysia Gazette</b>	
<b>Harakah</b>	
<b>Malaysia Dateline</b>	
<b>Bernama</b>	
<b>See Hua Daily News (Kuching)</b>	
<b>Guan Ming Daily</b>	
<b>Sin Chew Daily</b>	

JENIS AKHBAR							MUKA SURAT	TARIKH
UTUSAN MALAYSIA	/	KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF				NEGATIF		NEUTRAL		

## Rugi RM7j angkara khianat

**Oleh ANN SAFRE BHOW**  
Hubungi: 019-27610000

**IPOH:** Seorang penarik ikan sangkar kerugian hampir RM7 juta selepas 280 sangkar terkandungnya pecah dan dihanyutkan arus deras Sungai Perak dipercayai angkara perbuatan khianat dalam kejadian di sini pada Isnin lalu.

Hong See Yong, 33, berkata, kejadian pada kira-kira pukul 5 petang itu menyebabkan hampir kesemua ikan terkandungnya kira-kira 500 tan terlepas ke dalam sungai manakala sebahagian besar daripada 280 buah sangkar terkandungnya pecah.

Menurutnya, dia memelihara ikan tilapia, patin, jekawet, jeli dan baung serta termasuk sangkar yang musnah. Dia menganggarkan rugi RM7 juta akibat kejadian itu.

"Sangkar saya hanyut dan pecah disebabkan tali pengikat sangkar terputus. Saya rasa talinya dipotong sebab saya guna 10 tali untuk mengikat sangkar daripada dihanyutkan arus deras.

"Masa mungkin semua tali putus sekali gus, lagipun saya guna tali yang besar, kalau terputus pun mungkin satu atau dua sahaja tak mungkin semua sekali terputus. Kejadian ini pertama kali berlaku sejak 11 tahun saya mengusahakan ternakan ini.

"Saya sudah buat laporan polis dan menunggu polis menamatkan siasatan," katanya ketika ditemui di sini semalam.

See Yong berkata, ketika kejadian, arus sungai deras dan dia yang dibantu 13 bot rakan-rakan yang lain cuba menyelamatkan sangkar yang hanyut, namun usaha mereka gagal kerana sangkar terlalu besar.

"Mungkin hanya lima peratus sahaja ikan dan sangkar yang banyak dapat diselamatkan," katanya.

Sementara itu, See Yong kesal terhadap mereka yang mengambil kesempatan mengambil ikan daripada sangkarnya yang pecah ketika kejadian.

Menurutnya, ada mereka yang menyangkarnya sehingga menyempit.

"Guing kutip ikan, kita tak boleh buat apa-apa pada masa itu walaupun ikan belum terlepas ke sungai tetapi mereka naik atas sangkar dan sauk ikan,"

"Kita cuma tahan mereka



**HONG See Yong memarahkan sangkar ikan yang musnah terdampar selepas dihanyutkan arus Sungai Perak dalam kejadian Isnin lalu. - MEDIA SOSIAL**

**UTUSAN Malaysia**  
**1 April 2021**

JENIS AKHBAR						MUKA SURAT	TARIKH		
UTUSAN MALAYSIA	/	KOSMO I		THE STAR	NANYANG SIANG PAU			35	02/04/2021
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI LIPUTAN: POSITIF			NEGATIF		NEUTRAL				

## Kes sangkar ikan pecah tiada unsur jenayah - Polis

**TELUK INTAN:** Tiada unsur jenayah dalam kejadian 280 buah sangkar ternakan ikan pecah dihanyutkan arus deras Sungai Perak dalam kejadian di sini, Isnin lalu.

Timbalan Ketua Polis Daerah Hilir Perak, Superintenden Yahaya Hassan berkata, pemilik ternakan ikan sangkar berkenaan didapati membuat laporan polis berhubung kejadian berkenaan.

"Memang laporan polis sudah buat mengenai sangkar dihanyutkan arus disebabkan tali mengikat sangkar putus.

"Namun tiada unsur jenayah dalam kejadian ini dan polis

meminta syarikat itu membuat rujukan kepada Jabatan Perikanan," katanya ketika dihubungi *Utusan Malaysia*, semalam.

Semalam, akhbar ini melaporkan seorang penternak ikan sangkar mendakwa kerugian hampir RM7 juta selepas 280 sangkar ternakannya pecah dihanyutkan arus deras Sungai Perak.

Heng Zhi Yong, 33, berkata, kejadian kira-kira pukul 5 petang itu menyebabkan hampir kesemua ternakannya hampir 500 tan metrik terlepas ke dalam sungai manakala seba-

hagian besar daripada 280 buah sangkarnya musnah.

Termasuk sangkar yang musnah, dia menganggarkan rugi RM7 juta akibat kejadian yang disebabkan tali pengikat sangkar terputus.

Zhi Yong mengesyaki tali pengikat sangkar ikan dipotong kerana 10 tali yang digunakan untuk mengikat sangkar semuanya putus sekali gus.

Ketika kejadian, arus sungai deras dan dia yang dibantu 13 bot rakannya cuba menyelamatkan sangkar yang hanyut, namun usaha mereka gagal kerana sangkar terlalu besar.

JENIS AKHBAR						MUKA SURAT	TARIKH
UTUSAN MALAYSIA		KOSMO I		THE STAR	NANYANG SIANG PAU		
BERITA HARIAN		SINAR HARIAN		THE SUN	ORIENTAL DAILY		
HARIAN METRO		NEW STRAITS TIMES		THE MALAY MAIL	PELBAGAI		
KATEGORI LIPUTAN: POSITIF			NEGATIF		NEUTRAL		

# 52 nelayan Vietnam, 8 bot baharu mendarat di jeti haram ditahan

Oleh MASTURAH SURADI  
utusannews@mediamulia.com.my

**MERSING:** Sebanyak lapan buah bot nelayan tempatan kelas C serta 52 orang nelayan Vietnam yang berada dalam keadaan mencurigakan berjaya ditahan Agensi Penguatkuasaan Maritim Malaysia (Maritim Malaysia) Zon Maritim Mersing, malam tadi.

Pengarah Maritim Negeri Johor, Laksamana Pertama Maritim Nurul Hizam Zakaria berkata, kesemua mereka ditahan di sebuah jeti haram pada posisi 3.2 batu nautika dari muara Sungai Endau pada pukul 8.45 malam.

“Tiga bot yang ditahan dikesan memasuki Sungai Endau dalam keadaan mencurigakan dan Zon Maritim Mersing terus bertindak dengan mengatur gerak anggota serta aset untuk membuat pemeriksaan.

“Pada masa yang sama, Zon Maritim Mersing juga telah menerima aduan awam berkaitan



**MARITIM Malaysia berjaya menahan lapan buah bot nelayan tempatan kelas C serta 52 orang nelayan Vietnam dalam keadaan mencurigakan di sebuah jeti haram Sungai Endau, Mersing di Johor.**

sekelompok bot nelayan tempatan yang mencurigakan bertambat (ikat) antara satu sama lain di sebuah jeti haram sekitar Sungai Endau.

“Hasil pemeriksaan mendapati kesemua bot nelayan tempatan kelas C yang bertambat di jeti haram itu dikendalikan oleh 52 kru warga Vietnam berusia 22 hingga 55 tahun,” katanya dalam satu kenyataan di sini,

semalam.

Menurut Nurul Hizam, kesemua kru tersebut disyaki baru tiba dari Vietnam berdasarkan pemeriksaan ke atas data dan rekod daripada sistem GPS HISTORY.

Jelasnya, mereka juga telah mengemukakan dokumen pengenalan diri yang mencurigakan dan lesen bot yang telah tamat tempoh.

“Semua kru ditahan dan dibawa ke Pejabat Zon Maritim Mersing untuk siasatan lanjut. Kes ini akan disiasat dibawah Akta Imigresen 1959/63 dan Akta Perikanan 1985.

“Maritim Malaysia mengingatkan kepada seluruh komuniti maritim agar sentiasa mematuhi undang-undang dan sekiranya gagal tindakan sewajarnya akan dikenakan.

JENIS AKHBAR							MUKA SURAT	TARIKH		
UTUSAN MALAYSIA		KOSMO I		THE STAR		NANYANG SIANG PAU			UTUSAN ONLINE	02/04/2021
BERITA HARIAN		SINAR HARIAN		THE SUN		ORIENTAL DAILY				
HARIAN METRO		NEW STRAITS TIMES		THE MALAY MAIL		PELBAGAI				
KATEGORI LIPUTAN: POSITIF			NEGATIF		NEUTRAL					

## Tiga bot nelayan Vietnam dilupuskan di perairan Gong Balai



ANTARA tiga bot nelayan Vietnam yang ditenggelamkan untuk dijadikan tukun tiruan di perairan Gong Balai di Merchang, Marang hari ini.

Oleh ROSALINDA MD SAID 1 April 2021, 2:21 pm

MARANG: Tiga bot nelayan Vietnam yang dilucut hak ditenggelamkan kira-kira 3.6 batu nautika dari perairan Gong Balai di sini hari ini.

Pengarah Agensi Penguatkuasaan Maritim Malaysia (Maritim Malaysia) negeri, Kepten Maritim Muhammad Suffi Mohd. Ramli berkata, kesemua bot itu dilucut hak oleh mahkamah pada 2020 kerana menceroboh dan menangkap ikan di perairan negara selepas ditahan dalam Op Kuda Laut.

“Ini merupakan pelupusan ketujuh pada tahun ini dan dijangkakan 40 bot lagi bakal ditenggelamkan setelah mendapat pelucutan hak daripada mahkamah.

“Sehingga kini, sejumlah 102 bot telah ditenggelamkan sebagai tukun di sepanjang perairan Terengganu oleh Maritim Malaysia negeri,” katanya dalam kenyataan di sini hari ini.

Kaedah penenggelaman sebagai tukun merupakan satu inisiatif dalam memulihara dan menggalakkan biodiversiti marin sekali gus menjadi simbolik kepada keseriusan Maritim Malaysia dalam mengekang kemasukan nelayan asing ke perairan negara secara haram.

Muhammad Suffi berkata, program berkenaan turut mendapat kerjasama Jabatan Perikanan, Jabatan Laut, Persatuan Nelayan Kuala Terengganu Utara dan Institut Sumber Marin Asia Tenggara (ISMAT).

Katanya, Maritim Malaysia akan terus melaksanakan rondaan bagi mengesan kegiatan pencerobohan nelayan asing dan juga aktiviti-aktiviti yang melanggar undang-undang di sekitar perairan Terengganu.

Sehubungan itu, orang ramai terutama komuniti maritim digesa melaporkan sebarang maklumat, pelanggaran undang-undang atau kejadian kecemasan yang berlaku di perairan negara ke talian MERS 999 atau 09- 6224357 (pusat operasi Maritim Malaysia negeri). -UTUSAN ONLINE

JENIS AKHBAR						MUKA SURAT	TARIKH		
UTUSAN MALAYSIA		KOSMO I		THE STAR	NANYANG SIANG PAU				02/04/2021
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI LIPUTAN: POSITIF			NEGATIF		NEUTRAL				

## 12.8 juta benih ikan, udang dilepaskan

Mohd Rafi Mamat - April 2, 2021 @ 7:37am  
[bhnews@bh.com.my](mailto:bhnews@bh.com.my)



Datuk Bandar Kuantan, Datuk Hamdan Hussin (tiga dua dari kiri) dan Pengarah Jabatan Perikanan Pahang, Abdullah Jaafar (dua dari kiri) melepaskan benih udang galah pada program pelepasan 43,000 benih ikan dan udang galah bagi memperkayakan biodiversiti Sungai Bandaraya Kuantan.- Foto NSTP/Mohd Rafi Mamat

**KUANTAN:** Jabatan Perikanan Negeri Pahang melepaskan sebanyak 12.8 juta benih pelbagai spesies ikan dan udang galah ke perairan umum negeri ini dalam tempoh 10 tahun sejak 2010.

Pengarahnya, Abdullah Jaafar berkata, aktiviti pelepasan benih dilakukan sepanjang tahun membabitkan beberapa sungai utama termasuk tasik di negeri ini dalam usaha menambah sumber perikanan.

Katanya, jabatan berharap golongan nelayan darat dan masyarakat setempat serta peminat aktiviti memancing mendapat memanfaatkan daripada program pelepasan benih ikan dan udang galah yang dilakukan.

"Kerjasama pelbagai pihak termasuk komuniti setempat dilakukan dalam menjayakan aktiviti pelepasan benih ikan dan udang galah yang turut akan menjadi produk pelancongan di kawasan terbabit.

"Jabatan sentiasa berusaha menambah sumber perikanan di beberapa sungai utama seperti Sungai Pahang, Sungai Rompin dan Sungai Jelai yang sebelum ini terkenal dengan pelbagai spesies ikan air tawar dan udang galah," katanya.

Beliau berkata demikian pada program pelepasan 43,000 benih ikan dan udang galah bagi memperkayakan biodiversiti Sungai Bandaraya Kuantan yang dirasmikan Datuk Bandar Kuantan, Datuk Hamdan Hussin, di sini semalam.

Abdullah berkata, pihaknya melepaskan sebanyak 3,000 benih ikan siakap dan 40,000 benih udang galah di beberapa lokasi sepanjang Sungai Kuantan termasuk hadapan Menara 188 Kuantan.

Katanya, program pelepasan benih udang dan ikan di Sungai Kuantan dilakukan setiap tahun, namun kali ini lebih 100 induk udang galah dewasa dilepaskan.



JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO	/	NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL			

## 3 bot nelayan Vietnam jadi tukun



SEMUA bot yang ditenggelamkan ditahan Kapal Maritim (KM) Gemia dalam Op Kuda Laut.

**Kuala Terengganu:** Agensi Penguatkuasaan Maritim Malaysia (APMM) menenggelamkan tiga bot nelayan Vietnam pada jarak 3.6 batu nautika di perairan Gong Balai, Merchang, Marang untuk dijadikan tukun tiruan, semalam.

Pengarahnya Kepten Maritim Muhammad Suffi Mohd Ramli berkata, ia adalah bot nelayan Vietnam yang ditahan serta dilucut hak oleh mahkamah sepanjang tahun lalu kerana mencerooh dan menangkap ikan di perairan negara.

Katanya, semua bot itu ditahan Kapal Maritim (KM) Gemia dalam Op Kuda Laut yang dilaksanakan sepanjang tahun lalu.

“Ini adalah pelupusan ketujuh untuk tahun ini dan sebanyak 40 bot lagi akan ditenggelamkan selepas mendapat pelucutan hak daripada mahkamah.

“Sehingga kini, APMM sudah menenggelamkan sebanyak 102 bot sebagai tukun tiruan di sepanjang perairan Terengganu,” katanya, semalam.

Katanya, kaedah menenggelamkan bot sebagai tukun tiruan adalah satu inisiatif dalam memulihara dan menggalakkan biodiversiti marin serta simbolik kepada keseriusan APMM dalam mengekang kemasukan nelayan asing ke perairan negara secara haram.

“Pelupusan bot ini turut mendapat kerjasama Jabatan Perikanan Malaysia, Jabatan Laut Malaysia, Persatuan Nelayan Kuala Terengganu Utara serta Institut Sumber Marin Asia Tenggara (Ismat).

“Kita akan terus melaksanakan rondaan untuk mengesan kegiatan penceroohan nelayan asing dan aktiviti-aktiviti yang melanggar undang-undang di sekitar perairan Terengganu,” katanya.

JENIS AKHBAR							MUKA SURAT	TARIKH		
UTUSAN MALAYSIA		KOSMO!	/	THE STAR		NANYANG SIANG PAU			14	02/04/2021
BERITA HARIAN		SINAR HARIAN		THE SUN		ORIENTAL DAILY				
HARIAN METRO		NEW STRAITS TIMES		THE MALAY MAIL		PELBAGAI				
KATEGORI LIPUTAN:		POSITIF		NEGATIF		NEUTRAL				



SEBAHAGIAN bot yang ditahan bersama 52 nelayan Vietnam di sebuah jeti haram di Mersing malam kelmarin.

## 52 nelayan Vietnam miliki dokumen mencurigakan ditahan

**MERSING** – Seramai 52 nelayan warga Vietnam yang dipercayai memiliki dokumen pengenalan diri mencurigakan ditahan Maritim Malaysia (APMM) Zon Maritim Mersing di sebuah jeti haram di kedudukan 3.2 batu nautika dari muara Sungai Endau di sini kelmarin.

Dalam serbuan pukul 8.45 malam itu, pihak berkuasa turut menyita lapan buah bot nelayan tempatan kelas C yang mereka naiki kerana didapati menggunakan lesen bot yang telah tamat tempoh.

Pengarah Maritim Negeri Johor, Laksamana Pertama Maritim Nurul Hizam Zakaria memberitahu, pada mulanya se-

banyak tiga buah bot yang mencurigakan dikesan memasuki Sungai Endau.

“Pasukan kami kemudian bertindak dengan mengatur gerak tugas anggota serta aset untuk melakukan pemeriksaan.

“Pada masa sama, APMM Zon Maritim Mersing turut menerima aduan awam berkaitan beberapa lagi bot nelayan tempatan yang mencurigakan bertambat antara satu sama lain di sebuah jeti haram sekitar Sungai Endau.

“Hasil pemeriksaan mendapati, kesemua bot nelayan tempatan kelas C yang bertambat di jeti haram tersebut dikendalikan oleh 52 kru warga Vietnam yang berusia antara 22 hingga 55 ta-

hun,” katanya dalam satu kenyataan semalam.

Nurul Hizam berkata, kesemua kru tersebut disyaki baharu tiba dari Vietnam berdasarkan pemeriksaan ke atas data serta rekod daripada sistem khas Gps History.

Menurutnya, kesemua nelayan terbabit juga telah mengemukakan dokumen pengenalan diri yang mencurigakan, manakala lesen bot tersebut didapati telah tamat tempoh.

“Semua kru yang ditahan dibawa ke Pejabat Zon Maritim Mersing untuk siasatan lanjut. Kes disiasat di bawah Akta Imigresen 1959/63 dan Akta Perikanan 1985,” ujarnya.

JENIS AKHBAR							MUKA SURAT	TARIKH		
UTUSAN MALAYSIA		KOSMO !		THE STAR		NANYANG SIANG PAU			KOSMO ONLINE	02/04/2021
BERITA HARIAN		SINAR HARIAN		THE SUN		ORIENTAL DAILY				
HARIAN METRO		NEW STRAITS TIMES		THE MALAY MAIL		PELBAGAI				
KATEGORI LIPUTAN: POSITIF			NEGATIF		NEUTRAL					



Salah sebuah daripada tiga bot nelayan Vietnam yang telah dilucuthak dilupuskan sebagai tukun tiruan di perairan Gong Balai, Merchang dekat Marang hari ini.

## APMM tenggelam tiga bot nelayan Vietnam

Oleh MOHD AZLI ADLAN 1 April 2021, 4:23 pm

MARANG – Tiga lagi bot nelayan Vietnam yang selesai dilucuthak oleh mahkamah telah ditenggelamkan Maritim Malaysia (APMM) di perairan Terengganu hari ini.

Pengarah Maritim Terengganu, Kepten Maritim Muhammad Suffi Mohd. Ramli berkata, kesemua bot tersebut ditenggelamkan pada kedudukan 3.6 batu nautika dari perairan Gong Balai, Merchang di sini.

Beliau berkata, pendekatan tersebut membuktikan ketegasan APMM menangani isu kerakusan nelayan asing mencero boh perairan negara.

“Ketiga-tiga bot nelayan Vietnam itu ditenggelamkan untuk dijadikan tukun tiruan sebagai inisiatif menggalakkan biodiversiti marin di perairan Terengganu.

“Setakat ini, APMM sudah menenggelamkan tujuh nelayan asing yang telah dilucuthak sejak awal tahun ini,” katanya kepada Kosmo! di sini hari ini.

Muhammad Suffi berkata, pihaknya menjangkakan 40 lagi bot nelayan Vietnam yang disita atas kesalahan menangkap ikan di perairan Terengganu akan dilupuskan sepanjang tahun ini secara berperingkat setelah proses lucuthak diselesaikan mahkamah.

Tambah beliau, setakat ini, 102 bot nelayan asing telah ditenggelamkan sebagai tukun tiruan di perairan Terengganu. – K! ONLINE

JENIS AKHBAR							MUKA SURAT	TARIKH
UTUSAN MALAYSIA		KOSMO I		THE STAR		NANYANG SIANG PAU		
BERITA HARIAN		SINAR HARIAN	/	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL			

# 102 bot asing jadi tukun tiruan

Dilucut hak kerana menangkap ikan di perairan negara

Oleh NORHASPIDA YATIM

MARANG

Sebanyak 102 bot nelayan asing yang dilucut hak oleh mahkamah atas kesalahan menceroboh perairan negara sejak 2010 sehingga kini dilupuskan menjadi tukun tiruan.

Terbaru, dua bot nelayan Vietnam ditenggelamkan sebagai tukun tiruan berhampiran perairan Gong Balai, Merchang, di sini, pada Khamis.

Pengarah Agensi Penguatkuasaan Maritim Malaysia (Maritim Malaysia) Terengganu, Kepten Maritim Muhammad Suffi Mohd Ramli berkata, bot berkenaan dilucut hak sepanjang 2020 kerana menceroboh dan menangkap ikan di perairan negara.

Beliau berkata, kesemua bot ini ditahan oleh Kapal Maritim (KM) Gemia menerusi Op Kuda Laut yang dilakukan sepanjang tahun lalu.

"Ini adalah pelupusan kali ketujuh tahun ini dan dijangka sebanyak 40 bot lagi bakal ditenggelamkan selepas mendapat perlucutan hak daripada mahkamah pada 2021.

"Sehingga kini, sejumlah 102 bot telah ditenggelamkan untuk dijadikan tukun tiruan di sepanjang perairan Terengganu," katanya menerusi satu kenya-

taan pada Khamis.

Beliau berkata, pelupusan bot nelayan asing sebagai tukun adalah inisiatif bagi memulihara dan menggalakkan biodiversiti marin serta simbolik kepada keseriusan Maritim Malaysia dalam mengekang kemasukan nelayan asing ke perairan negara secara haram.

"Program pelupusan bot ini turut mendapat kerjasama daripada Jabatan Perikanan Malaysia, Jabatan Laut Malaysia, Persatuan Nelayan Kuala Terengganu Utara serta Institut Sumber Marin Asia Tenggara (ISMAT).

"Maritim Malaysia akan terus melaksanakan rondaan untuk mengesan kegiatan pencerobohan nelayan asing dan juga aktiviti-aktiviti yang melanggar undang-undang di sekitar perairan Terengganu," katanya.

Dalam pada itu katanya, Maritim Malaysia meminta kerjasama masyarakat terutama komuniti maritim melaporkan sebarang maklumat perlakuan melanggar undang-undang dan kejadian kecemasan yang berlaku di perairan Negara ke talian MERS 999 atau 09-6224357 (Pusat Operasi) Maritim Terengganu.



Bot nelayan asing yang ditenggelamkan sebagai tukun tiruan bakal memberi manfaat kepada nelayan.

